

Broj: 05-02-4-864/22
Mostar, 13.06.2022. godine

Federacija Bosne i Hercegovine
PARLAMENTI FEDERACIJE
SARAJEVO

BOSNA I HERCEGOVINA
FEDERACIJA BOSNE I HERCEGOVINE
PREDSTAVNIČKI DOM PARLAMENTA FEDERACIJE
n/p Ivan Miličević, sekretar

Primljeno: 01-07-2022			
Org. jed.	Broj	Priloga	Vrijednost
05/1	- 02 -	150	122

Veza: Vaši akti broj: 05/1-02-150/22 od 28.04.2022. godine i 05/1-02-150/22 od 01.06.2022. godine

PREDMET: Poslaničko pitanje, odgovor – dostavlja se

Poštovani,

U prilogu Vašeg akta broj: 05/1-02-150/22 od 28.04.2022. godine, dostavili ste na nadležno postupanje, poslaničko pitanje koje je, na 32. redovnoj sjednici Predstavničkog doma Parlamenta Federacije Bosne i Hercegovine održanoj 27.04.2022. godine, postavio Husein Rošić, poslanik u Predstavničkom domu Parlamenta Federacije Bosne i Hercegovine.

Poslaničkim pitanjem se traži odgovor zašto se ne potpisuju ugovori o otkupu električne energije u probnom radu za postrojenja koja koriste obnovljive izvore energije.

U vezi navedene problematike, obavještavamo Vas da je Vlada Federacije Bosne i Hercegovine, na svojoj 318. sjednici, održanoj 09.06.2022. godine, donijela Odluku o izmjenama Odluke o utvrđivanju obavezujućih ciljeva za korištenje obnovljivih izvora energije (u daljnjem tekstu: Odluka) V.broj: 865/2022 od 09.06.2022. godine (u prilogu), kojom je izmjenjena Odluka o utvrđivanju obavezujućih ciljeva za korištenje obnovljivih izvora energije u Federaciji Bosne i Hercegovine („Službene novine Federacije BiH“, br. 17/21 i 36/21) na način da je otklonjena nedoumica u vezi otkupa električne energije iz postrojenja iz obnovljivih izvora energije u probnom radu, kao i da su, između ostalog, povećani obavezujući ciljevi za primarni izvor solarna energija.

Pored navedenog, Vlada Federacije Bosne i Hercegovine je aktom broj: 03-02-100-2/2021 PO od 10.06.2022. godine (u prilogu) dostavila Službenom listu, radi objavljivanja, predmetnu Odluku, te će objavljivanjem u „Službenim novinama Federacije BiH“ ista stupiti na snagu.

S poštovanjem,

Prilog: kao u tekstu (2 stranice)

Dostaviti:

- Naslovu
- 05
- a/a



MINISTAR

Nermin Džindić

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), a u vezi s članom 2. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“, br. 70/13 i 5/14), na prijedlog Federalnog ministarstva energije, rudarstva i industrije, Vlada Federacije Bosne i Hercegovine, na 318. sjednici, održanoj 09.06.2022. godine, donosi

**ODLUKU
O IZMJENAMA ODLUKE O UTVRĐIVANJU OBAVEZUJUĆIH CILJEVA ZA
KORIŠTENJE OBNOVLJIVIH IZVORA ENERGIJE U
FEDERACIJI BOSNE I HERCEGOVINE**

I.

U Odluci o utvrđivanju obavezujućih ciljeva za korištenje obnovljivih izvora energije u Federaciji Bosne i Hercegovine („Službene novine Federacije BiH“, br. 17/21 i 36/21 – u daljnjem tekstu: Odluka), tabela u tački II. mijenja se tabelom:

	HIDROENERGIJA			SOLARNA ENERGIJA	ENERGIJA VJETRA	ENERGIJA IZ BIOMASE		
	Do 1 MW	Srednje od 1-10 MW	Ukupno			Čvrsta biomasa	Biogas	Ukupno
MW	35	87,13	122,13	140,56	223,62	15,00	10,00	25,00
GWh	144	357,23	501,23	210,84	559,05	97,50	80,00	177,50

II.

Tačka V. Odluke mijenja se i glasi:

„V.

Kvalificirani proizvođači koji nisu stekli status privilegovanog proizvođača i kvalificirani proizvođači kojima je istekao status privilegovanog proizvođača, ukoliko je njihova proizvodnja uvrštena u obavezujuće ciljeve utvrđene tačkom II. ove odluke, te postrojenja iz obnovljivih izvora energije u probnom radu imaju pravo na otkup proizvedene električne energije po referentnoj cijeni.”

III.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 865 /2022
09.06.2022. godine
Sarajevo



PREMIJER

Fadil Novalić

Broj: 03-02-100-2/2021 PO
Sarajevo, 10.06.2022. godine

SLUŽBENI LIST BOSNE I HERCEGOVINE
gosp. Dragan Prusina, direktor

Poštovani,

U prilogu se, u skladu sa članom 6. stav 3. Zakona o Službenim novinama Federacije Bosne i Hercegovine («Službene novine Federacije BiH», broj 1/94), a radi objavljivanja u «Službenim novinama Federacije BiH», dostavlja Odluka o izmjenama Odluke o utvrđivanju obavezujućih ciljeva za korištenje obnovljivih izvora energije u Federaciji Bosne i Hercegovine, V.broj: 865/2022 od 09.06.2022. godine.

S poštovanjem,



Prilog kao u tekstu na:

- Bosanskom jeziku
- Hrvatskom jeziku
- Srpskom jeziku